



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e-mail: info@voda.ba

Broj: **UP-1/21-2-40-456-4/23**
Datum: **08.11.2023. godine**

«Agencija za vodno područje rijeke Save» Sarajevo rješavajući po uočenoj tehničkoj greški donosi ispravku rješenja broj: UP-1/21-2-40-456-3/23 od 30.10.2023. godine u smislu ispravke tačke 5.3. rješenja, na osnovu člana 217. stav (1) Zakona o upravnom postupku («Službene novine Federacije BiH», broj 2/98, 48/99 i 61/22),

ZAKLJUČAK **o ispravci greške u rješenju**

1. U dispozitivu rješenja o vodnoj saglasnosti ovog organa broj: UP-1/21-2-40-456-3/23 od 30.10.2023. godine, ispravlja se greška tako da u tački 5.3. **umjesto:**

„Ukupna količina materijala (cca 60.385,40 m³), koja je obuhvaćena ovom vodnom saglasnošću, mora obavezno da se izvadi do 31.11.2023. godine.“

treba da stoji:

„Ukupna količina materijala (cca 60.385,40 m³), koja je obuhvaćena ovom vodnom saglasnošću, mora obavezno da se izvadi do 31.12.2023. godine.“

2. Ovaj zaključak čini sastavni dio rješenja navedenog u tački 1. ovog zaključka i dostavlja se stranci kojoj je dostavljeno Rješenje.

3. U ostalom dijelu rješenja ostaje nepromijenjeno.

Obrazloženje

Nakon što je uočena tehnička greška u rješenju ovog organa broj: UP-1/21-2-40-456-3/23 od 30.10.2023. godine, Agencija je pristupila ispravci tačke 5.3. rješenja.

Izmjena se odnosi na rok realizacije predmetne aktivnosti, te umjesto datuma: „31.11.2023. godine“, treba da stoji: „31.12.2023. godine“.

Ostali dio teksta rješenja ostaje nepromijenjen.

Iz razloga gore navedenog, a u skladu sa članom 217. stav (2) Zakona o upravnom postupku («Službene novine Federacije BiH», broj 2/98, 48/99 i 61/22), riješeno je kao u dispozitivu.

Uputa o pravnom lijeku:


Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema zaključka.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- "SELLER" d.o.o. Gradačac, ul. Sarajevska bb., 76250 Gradačac (Prilog)
- ⊗ ISV - vodna knjiga
- AVP Sava - Sektor 50
- Oglasna ploča AVP Sava
- Arhiva - ovdje



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-2-40-456-3/23**

Datum: **30.10.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica SELLER d.o.o. Gradačac u postupku izdavanja vodne saglasnosti za aktivnost vađenje materijala iz korita rijeke Bosne na lokalitetu „Mlinište 2“, općina Odžak, na osnovu člana 139. stav (1) tačka 6., a u vezi sa članom 81. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22) **donosi**

RJEŠENJE **o vodnoj saglasnosti**

1. Pravnom licu, „SELLER“ d.o.o. Gradačac, daje se vodna saglasnost za aktivnost vađenje materijala iz rijeke Bosne prema tehničkoj dokumentaciji:
„Elaborat za vađenje materijala iz korita rijeke Bosne, lokalitet „Mlinište“, koji se nalazi na prostoru Federacije BiH, općina Odžak“, urađen od strane „TZI“ d.o.o. Sarajevo, oktobar 2023. godine,
a u cilju ostvarivanja prava na vađenje materijala, u približnoj količini od 60.385,40 m³, na dijelu zemljišnih čestica označenih kao k.č. 3492, K.O. Novo Selo u općini Odžak i dio k.č. 1887, 860, 859 i 858 K.O. Crkvina u općini Bosanski Šamac, što odgovara dio k.č. 34 i 936 K.O: SP_Novo Selo u Općini Odžak (označene po starom premjeru), koje se nalaze na prostoru Federacije BiH, dodijeljenog Ugovorom, broj: 10-848-29/23 od 05.10.2023. godine.
2. Vodna saglasnost izdaje se na određeno vrijeme i prestaje važiti 31.12.2023. godine, a sve u skladu sa članom 8. Ugovora broj: 10-848-29/23 od 05.10.2023. godine zaključenog između AVP „Sava“ i pravnog lica „SELLER“ d.o.o. Gradačac.
3. Ova vodna saglasnost se odnosi isključivo na aktivnosti obrađene kroz elaborat naveden u tački 1. Rješenja.
4. Vodna saglasnost se donosi na osnovu utvrđenog činjeničnog stanja i dostavljene tehničke dokumentacije iz tačke 1. ovog dispozitiva, a koja čini sastavni dio ovog Rješenja i ista se, ovjerena u skladu sa odredbama člana 114. stav (3) Zakona o vodama od strane ove Agencije, vraća podnosiocu zahtjeva na trajno čuvanje.
5. Vodna saglasnost se daje pod slijedećim uslovima koje treba ispuniti u toku i nakon izvođenja radova na predmetnom lokalitetu:
 - 5.1. Da se uklanjanje materijala iz korita rijeke Bosne, lokalitet „Mlinište 2“ vrši u svemu prema ovjerenom Elaboratu iz tačke 1. ovog dispozitiva, uslovima iz ove vodne saglasnosti i odredbama Ugovora, broj: 10-848-29/23 od 05.10.2023. godine sklopljenim sa AVP Sava.
 - 5.2. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa izvađenog materijala, a za što je odgovoran izvođač radova i nadzorni organ imenovan od strane AVP Sava.
 - 5.3. Ukupna količina materijala (cca 60.385,40 m³), koja je obuhvaćena ovom vodnom saglasnošću, mora obavezno da se izvadi do 31.11.2023. godine.
 - 5.4. Korisnik je dužan da uredno vodi dnevnik rada sa tačno definisanim lokalitetom iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 5.5. Korisnik je obavezan u roku od 15 dana od dana prijema ovog vodnog akta dostaviti vremenski plan vršenja radova na vađenju materijala u skladu sa tačkom 3.1. Rješenja o prethodnoj vodnoj saglasnosti UP-1/21-1-40-319-3/23 od 10.08.2023. godine, a o datumu početka radova pismeno obavjestiti ugovorni organ radi uvođenja u ugovorene radove, a sve u skladu sa članom 12. Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
 - 5.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl., a građevinsku mehanizaciju, skladište tečnih goriva i maziva smjestiti izvan nivoa velikih voda rijeke Bosne.

- 5.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda rijeke Bosne, a u skladu sa važećim propisima o postupanju sa otpadom.
- 5.8. Izvođač radova je obavezan svakodnevno voditi evidenciju vađenja materijala sa tačnim količinama izvađenog materijala, a na obrascu građevinskog dnevnika u skladu sa Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine FBiH“, broj 99/14).
- 5.9. Namjeravano vađenje materijala treba da se vrši u skladu sa dokumentom „Suglasnost za vađenje materijala iz korita rijeke Bosne“ izdatog od strane Udruženja građana sportskih ribolovaca Odžak pod brojem 02-027/2023 od 16.10.2023. godine i prema uslovima koje je propisao korisnik ribolovnog prava na ribolovnom području na kome se provode navedene aktivnosti.
- 5.10. Korisnik vodne saglasnosti je u obavezi da obezbijedi stručno lice geodetske struke sa osnovnim zadatkom kontinuiranog praćenja tačnosti kota i geometrije korita na terenu prilikom izvođenja radova u odnosu na podatke date u projektu, kao i količina koje se u toku dana izvade.
- 5.11. Zagate, napere i pomoćne objekte i zahvate u koritu koji prilikom vađenja materijala iz korita služe za lakše izvođenje određenih radova, izvesti na način da isti što manje ugrožavaju proticajni profil rijeke Bosne, a nakon završetka radova iste je potrebno ukloniti i korito, obale i okolni teren dovesti u prvobitno stanje. Zabranjeno je deponovanje materijala (privremeno i trajno) na mjestu vađenja, te je isti nakon kratkog procjeđivanja potrebno odvoziti na planiranu deponiju izvan inundacionog pojasa (plavnog područja).
- 5.12. Eventualno zadržavanje materijala izvađenog u toku jednog dana, može trajati maksimalno 24 sata a u svrhu procjeđivanja i organizacije transporta ka planiranoj deponiji unutar poslovnog kruga pravnog subjekta, na parceli označenoj kao k.č. 108/8, K.O. Gradačac I, općina Gradačac. Nakon završetka radova na mjestu izvođenja radova i u inundacionom pojasu obavezno je očistiti i poravnati teren, na način da se uklopi u prirodno stanje.
- 5.13. Materijal iz korita koji nema upotrebnu vrijednost (mulj, jalovina, rastinje, krupno kamenje, zemlja i sl.) a koji se u postupku vađenja materijala u cilju obezbjeđenja proticajnog profila uklanjanja, potrebno je propisno zbrinuti izvan inundacionog pojasa rijeke Bosne.
- 5.14. U toku izvođenja radova na vađenju materijala izvođač radova je dužan održavati u ispravnom stanju pristupnu saobraćajnicu prema zahtjevima posjednika parcele na kojoj će se nalaziti pristupna saobraćajnica i nakon završetka radova obavezan je da teren i korištenu pristupnu saobraćajnicu dovede u prvobitno stanje.
- 5.15. Po završetku vađenja materijala, isteka vodne saglasnosti ili raskida Ugovora, a najkasnije 7 (sedam) dana po okončanju radova, korisnik vodne saglasnosti je dužan uz prethodnu pismenu obavijest o terminima snimanja, izvršiti kontrolno geodetsko snimanje poprečnih profila u skladu sa izdanom vodnom saglasnosti i uraditi kontrolni elaborat izvađenih količina materijala iz korita, a dokumentaciju o izvršenom kontrolnom snimanju sa bilansom masa dostaviti AVP Sava kao ugovornom organu, u pisanom obliku i na magnetnom mediju.
- 5.16. Vađenje materijala vršiti isključivo prema snimljenom uzdužnom i poprečnim profilima počevši od nizvodnog profila i gurajući materijal u trakama, odgovarajućom mehanizacijom, buldozerom ili bagerom – rovokopačem.
- 5.17. Transport i manipulacija se vrši samo sa prethodno prirodno ocijeđenim materijalom zbog mogućnosti prljanja i kvašenja saobraćajnice na koji se navedeni lokalitet priključuje.
6. Korisnik vodne saglasnosti dužan je dostaviti «Agenciji za vodno područje rijeke Save» Sarajevo mjesečni izvještaj - popunjen i ovjeren obrazac «IMV» o izvađenim količinama materijala, a plaćanje posebne vodne naknade u visini od 1,55 KM po 1 m³ za izvađene količine materijala izvršiti na način definisan članom 4. Ugovora broj: 10-848-29/23 od 05.10.2023. godine sklopljenog sa AVP Sava tj da u roku od tri dana od dana dostavljanja i ovjere izvještaja nadzornog organa izvrši uplatu PVN-a za izvađeni materijal na kantonalni depozitni račun Posavskog kantona:

338-000-22104571-21 vrsta prihoda 722527

7. Osnovica za plaćanje naknade za izvađeni materijal iz vodotoka je 1 m³ izvađenog materijala iz vodotoka, bez obzira na kvalitet materijala.
8. Materijal izvađen po osnovu ove vodne saglasnosti i Ugovora sklopljenog između AVP Sava i "SELLER" d.o.o. Gradačac, broj: 10-848-29/23 od 05.10.2023. godine, a za koji je od strane izvođača izvršeno plaćanje naknade iz člana 4. navedenog Ugovora, postaje vlasništvo izvođača radova.
9. Ukoliko se prije početka kao i u toku provođenja aktivnosti na vađenju materijala iz rijeke Bosne na lokalitetu „Mlinište 2“ utvrdi da nije moguće realizirati planirane aktivnosti zbog pristupne saobraćajnice do lokaliteta vađenja materijala, Izvođač radova dužan je riješiti imovinsko-pravne odnose sa vlasnikom i posjednicima zemljišta na zemljišnim česticama u roku koji mu propiše AVP Sava ili u suprotnom gubi pravo na vađenje materijala dodjeljeno ovim vodnim aktom.

10. Ova vodna saglasnost, ovjeren Elaborat iz tačke 1. ovog rješenja i Ugovor o vađenju materijala, sklopljen sa ovom Agencijom, moraju se nalaziti na mjestu izvođenja radova, a za što je odgovorno ovlašteno lice izvođača radova.
11. Ukoliko se, kao posljedica radova, ošteti korito i obale rijeke Bosne, u zoni izvođenja radova, ili nanesu štete trećim licima, sva oštećenja se moraju sanirati i štete nadoknaditi o vlastitom trošku izvođača radova.
12. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
13. Korisnik prava iz ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
14. Prava stečena po ovoj vodnoj saglasnosti ne mogu se prenositi na treća lica, a ista prestaju u skladu sa odredbama Zakona o vodama.

Obrazloženje

Pravno lice, „SELLER“ d.o.o. Gradačac, se pismenim zahtjevom, obratilo ovoj Agenciji tražeći izdavanje vodne saglasnosti za aktivnost vađenje materijala iz rijeke Bosne prema dokumentaciji – Elaboratu za vađenje materijala iz korita rijeke Bosne, lokalitet „Mlinište 2“, općina Odžak“, urađen od strane „TZI“ d.o.o. Sarajevo, oktobar 2023. godine, a u cilju ostvarivanja prava za vađenje materijala, na dijelu zemljišnih čestica označenih kao k.č. 3492, K.O. Novo Selo u općini Odžak i dio k.č. 1887, 860, 859 i 858 K.O. Crkvina u općini Bosanski Šamac, što odgovara dio k.č. 34 i 936 K.O. SP_Novo Selo u Općini Odžak (označene po starom premjeru), koje se nalaze na prostoru Federacije BiH, općina Odžak, dodijeljenog Ugovorom, broj: 10-848-29/23 od 05.10.2023. godine.

U prilogu zahtjeva podnosilac je dostavio sljedeću dokumentaciju:

- Ovjerena kopija rješenja o izmjenama podataka u registru poslovnih subjekata Općinskog suda u Tuzli, od 08.08.2023. godine;
- Ovjerena kopija uvjerenja registraciji poreznog obveznika od 16.04.2021. godine, izdata od Kantonalnog poreznog ureda Tuzla;
- Ugovor o vađenju materijala zaključen između AVP „Sava“ i pravnog lica „SELLER“ d.o.o. Gradačac broj 10-848-29/23 od 05.10.2023. godine;
- „Elaborat za vađenje materijala iz korita rijeke Bosne, lokalitet „Mlinište“, koji se nalazi na prostoru Federacije BiH, općina Odžak“, urađen od strane „TZI“ d.o.o. Sarajevo, oktobar 2023. godine (2 primjerka + CD);
- Suglasnost za vađenje materijala iz korita rijeke Bosne izdatog od strane ribolovnog društva UG sportskih ribolovaca Odžak pod brojem 02-027/2023 od 16.10.2023. godine;
- Ugovor o zakupu parcele označene kao k.č. 108/8, K.O. Gradačac I, između „Modernizacija“ d.o.o. Gradačac i „SELLER“ d.o.o. Gradačac, zaključen u Gradačcu dana 01.05.2020. godine, kopija;
- Ugovor o prodaji broj: OPU-IP-934/2023, zaključen u Gradačcu dana 05.10.2023. godine, kopija;
- Ugovor o zakupu zemljišta u K.O. Crkvina, opština Šamac, k.č. broj 841, 890/1 i 890/2 bez broja, zaključen u Gradačcu dana 14.09.2023. godine, kopija;
- Ugovor o zakupu parcele označene kao k.č. 108/8, K.O. Gradačac I, između „Modernizacija“ d.o.o. Gradačac i „SELLER“ d.o.o. Gradačac, zaključen u Gradačcu dana 31.08.2023. godine, kopija;
- Geodetske tačke početnog snimanja za kontrolu promjene nivelete korita i količine izvađenog materijala, Agencija za geodetske poslove „GEO-SURVEY“;
- Dokaz o uplati upravne takse u iznosu od 60,00 KM.

U dokaznom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/25-1-40-319-3/23 od 10.08.2023. godine izdate od strane Agencije za vodno područje rijeke Save, Sarajevo.

U narednom tekstu su pobrojane tačke u kojima su propisani uslovi u navedenoj PVS-a i konstatacije vezane za ispunjenje istih:

Tačka 3.1.1: Za potrebe izrade Elaborata „Vađenje materijala iz korita rijeke Bosne, lokalitet „Mlinište“, urađen od strane „TZI“ d.o.o. Sarajevo, oktobar 2023. godine, urađen je:

- geodetski snimak aktuelnog stanja na lokalitetu sprudišta koje se uklanja, sa elemenatima iskolčenja profila;
- grafičkim priložima sa poprečnim profilima od PP1 do PP10 (M 1:100) urađenim na prosječnom rastojanju oko 50m, uzdužnim profilom M 1:100/1000, situacijom M 1:1000;

- radovi bi se vršili korištenjem standardne mehanizacije i na uobičajeni način tako što bi se u trakama uklanjao materijal iz korita vodotoka;
- Dinamički plan realizacije aktivnosti proizilazi iz člana 8. Ugovora, tj krajnji do 31.12.2023. godine;
- prezentiran je tabelarni proračun količina materijala koji se planira izvaditi.

Tačka 3.2.: Priložena je Suglasnost za vađenje materijala iz korita rijeke Bosne izdatog od strane ribolovnog društva UG sportskih ribolovaca Odžak pod brojem 02-027/2023 od 16.10.2023. godine kojom su definirani uslovi koje sportski ribolovci zahtijevaju.

Tačka 3.3.: Prema dostavljenom Elaboratu izvađeni materijal će direktno odvoziti na deponiju na parceli k.č. broj 108/8, K.O. Gradačac I, te da je do lokacije deponije omogućen pristup direktno sa lokalne saobraćajnice.

Tačka 4: Podnosilac zahtjeva je za potrebe izrade projektne dokumentacije angažirao projektnu kuću „TZI“ d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Tačka 5: Podnosilac zahtjeva je priložio svu potrebnu dokumentaciju navedenu tačkom 5. PVS-a. Na osnovu utvrđenog činjeničnog stanja i dostavljene dokumentacije ovim aktom su, tačkama 4. i 5. dispozitiva rješenja, shodno odredbama člana 114. Zakona o vodama i člana 7. i 10. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) i Uredbe o načinu dodjele prava za vađenje materijala iz vodotoka, propisani uslovi koje je potrebno ispuniti prilikom izvođenja predmetnih radova.

NAPOMENA: Aktivnost vađenja materijala je proistekla kao obaveza nadležnih organa za upravljanje vodama propisana članom 81. Zakona o vodama i odnosi se na održavanje vodotoka i vodnog dobra i ne provodi u cilju formiranja šljunkara i eksploatacionih polja za iskop pijeska i šljunka.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama («Sl.novine FBiH» broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.


Voditelj postupka

Nihad Pezo, dipl.inž.građ.

Prilog:

Ovjeran „Elaborat za vađenje materijala iz korita rijeke Bosne, lokalitet „Mlinište 2“, općina Odžak“, urađen od strane „TZI“ d.o.o. Sarajevo, oktobar 2023. godine (2 primjerka).

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- "SELLER" d.o.o. Gradačac, ul. Sarajevska bb., 76250 Gradačac (Prilog)
- ⊖ ISV - vodna knjiga
- AVP Sava - Sektor 50
- Oglasna ploča AVP Sava
- Arhiva - ovdje